

Redovni izvještaj dnevnih događaja i pojava

Izvještaj se odnosi na događaje u vremenskom periodu od 29.03.2025. godine od 08:00 sati do 30.03.2025. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POPLAVE-VODOSTAJI (LP- 2)

Nakon nekoliko dana teških poplava koje su pogodile Unsko-sanski kanton uslijed intenzivnih padavina, situacija se postepeno stabilizira.

Trenutno vodostaji svih rijeka su u opadanju.

Općine Sanski Most i Velika Kladuša su dana 28.03.2025.godine donijele odluke o proglašenju stanja prirodne i druge nesreće-poplave.

Općina Sanski Most

Dana 28. 03. 2025.godine, sve rijeke na području Općine Sanski Most su bile u konstantnom porastu cijeli dan, tako da je i maksimalni vodostaj Sane u 17 h iznosio 463 cm .

Veliki dio područja Općine je bio pod vodom zbog izlivanja Sane, Sanice, Blihe, Zdene, Radinovca, Pilješke rijeke, Sasinke, gdje su poplavljeni stambeni kao i pomoćni objekti, štale, garaže i ostave.

Velike površine poljoprivrednih usjeva također je pod vodom.

Poplavljeni su naselja, Skucani Vakuf, Trnova, Šehovci, Poljak, Aganovića Sokak, Alagića Polje, Alagića sokak, Husimovci i Donji Kamengrad i dio Čaplja.

Jutros u 08:00 sati vodostaj rijeke Sane iznosio je 369 cm (početak obavještanja je 310 cm).

Situacija s poplavama na području općine Sanski Most se stabilizira, vodostaji su i dalje u opadanju, a podzemne vode se postepeno povlače.

Tokom noći imali su padavine slabijeg intenziteta, pa se očekuje da će se povlačenje nastaviti uz stabilne vremenske uvjete.

Vatrogasna jedinica Sanski Most je u toku noći imala više intervencija na ispumpavanju vode iz objekata.

Općina Velika Kladuša

Vodostaj rijeke Kladušnice je u blagom opadanju i jutros iznosi 188 cm.

Za područje općine Velika Kladuša donesena je odluka o proglašenju stanja prirodne i druge nesreće.

Općina Ključ

Prema trenutno dostupnim informacijama u naseljima Sanica, Velečevo, Dubočani i Humići rijeka Sanica se izlila i poplavila poljoprivredno zemljište.

Trenutno nema ugroženih objekata.

Nivo rijeke Sane na području Ključa u 08:00 sati iznosio je 223 cm (početak obavještanja je 190 cm).

Grad Bihać

Jutros vodostaj rijeke Une od 05:00 sati stagnira i trenutno iznosi 87 cm (početak obavještanja je 100 cm).

Grad Bosanska Krupa

Uslijed kišnih oborina došlo je do izlivanja iz korita rijeke Krušnice i potoka Baštra, Bukovska i Kamarica, gdje je poplavljeno poljoprivredno zemljište i pomoćni objekti. Voda se postepeno povlači.

Nivo rijeke Une iznosi 215 cm (početak obavještanja 290 cm).

Grad Cazin

Vodostaji rijeka i rječica su u opadanju.

Najveći obim plavljenja poljoprivrednog zemljišta trenutno je u MZ Pjanići i Ćoralići.

Stanje je trenutno pod kontrolom, preduzeća i službe su u protekla 24 sata radile na terenu sa svom raspoloživom mehanizacijom, gdje su vršili određene intervencije odbrane od poplava.

Trenutno nema većih odrona i klizanja tla, osim što je na nekim lokalnim i nekategorisanim putevima došlo do manjih propadanja tla.

Općina Bužim

Zbog prestanka kiše došlo je do opadanja vodostaja svih rijeka i potoka na području općine Bužim.

Obilaskom terena i na osnovu stanja na terenu, stanje je zadovoljavajuće.

POŽARI (LP-3)

Vatrogasne jedinice nisu imale intervencije i dojave na gašenju požara.

Tehničke intervencije

Općina Sanski Most. Vatrogasna jedinica općine Sanski Most je imala više intervencija na ispumpavanju vode iz objekata.

OBLAST SAOBRAĆAJA (prohodnost puteva, drumski i željeznički saobraćaj)

Otežano i usporeno je saobraćanje na dionici puta Prijedor-Sanski Most (u mjestima Čarakovo i Žeger).

Povodom Ramazanskog Bajrama, večeras do ponoći zabranjen je prevoz eksplozivnih materija na teritoriji Federacije Bosne i Hercegovine.

Duga je kolona na ulazu na graničnom prelazu Velika Kladuša, na ostalim graničnim prelazima nema dužih zadržavanja.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desilo se deset saobraćajnih nezgoda.

Jedno lice je smrtno stradalo i tri lica su zadobila lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Zbog povećane mutnoće vode na svim izvorištima, koja su u funkciji vodosnabdijevanja grada Bihaća, JP "Vodovod" d.o.o. Bihać i u općini Sanski Most preporučuje se korisnicima da iz preventivnih razloga prokuhavaju vodu prije upotrebe za piće.

NEEKSPLODIRANA UBOJNA SREDSTVA –NUS (LP-19)

Nije bilo prijava za NUS-a.

METEOROLOŠKO-HIDROLOŠKA SITUACIJA

Vodostaj rijeke Une iznosi 87 cm, (početak obavještanja je 100 cm).

Napomena: nemamo podatke za temperaturu i padavine za područje grada Bihaća.

U općini Sanski Most u 08:00 sati temperatura je iznosila 10 °C.

Vodostaj rijeke Sane iznosi 369 cm (početak obavještanja je 310 cm).

Padavine: 2 l/m²